

Gvangjsih Minzcuz Bau

Cawiguenj: Gvangsiah Bouxcuengh Swcigh Minzcuz Cunghgvau Swvu Veijvenzvei

Cawjibanh: Gvangsiah Minzcuz Bause

Geiz neix 8 bani

广西民族报

Aenhauh okbanj: CN45-0036

B.2023

Nd.10 Ng.18

Liggaeuq gvejmaux nienz ndwengouj coseiq

Geizsoq: Gungh daih 3593 geiz

Faenh Cazci 《Giuzsi》 Fat Faenzcieng Youqgaenj Siz Ginbingz Cungjsuhgi

Haiok Aen Diendeih Moq Majgwzswh Cuji Habngamj Cungguek Habngamj Seizdaih

《求是》杂志发表习近平总书记重要文章

开辟马克思主义中国化时代化新境界

Sinhvazse Baekging 10 nyied 15 hauh dienh Faenh cazci 《Giuzsi》 geiz 20 youq 10 nyied 16 hauh okbanj de fat bien faenzcieng youqgaenj 《Haiok Aen Diendeih Moq Majgwzswh Cuji Habngamj Cungguek Habngamj Seizdaih》 youz Cunghgung Cunghyangh cungjsuhgi, Guekgya cujsiz, Cunghyangh Ginhvej cujsiz Siz Ginbingz raiz de.

Faenzcieng daegbied gangj daengz, Ngeihcib Daih Dangj raeuz daezok gaiq hong hungnaek haiok aen diendeih moq Majgwzswh Cuji habngamj Cungguek habngamj seizdaih, daegbied gangj daengz neix dwg

diuzrap naekgw gyoengq vunz Cunghgoz Gungcanjdangj ciuhneix aeu rap hwnj ndeu. Raeuz aeu aen daezmoeg neix guh cizdij hagsib, cix yae gyaeg bae nyinhrox Dangj raeuz cauhoq lijn hab gvilwd, mingzbe doekdingh gij fuengvih, fuengyengq, fuengfap moq gven-daengz cauhoq lijn, youq seizdaih moq gwnzroen moq cauhoq lijn aeundaej cwnzgoj lailai bae.

Faenzcieng vixok, dauqyawj gij lizsij Dangj raeuz buekguh bak bi, Dangj raeuz vihmaz ndaej youq gwzming, gensez, gajgwz gak aen lizsij seizgeiz aeundaej cwnzgiu hung-

loet, ndaej lingjdaug yinzminz guh-baenz gij yinvu gannanz hoeng doengh gij cwnzgiu lizlieng wng cix cungj mbouj gojnwngz guh ndaej daengz haenz, goekgaen dwg gaemdawz gij gohyoz lijn Majgwzswh Cuji, caemhcaiq mboujduenh giethab saed-guh moq doicaenh cauhoq lijn, hawj Dangj raeuz ndaej miz gij rengz caenleix giengzak. Aen Baugau Ngeihcib Daih Dangj raeuz baengh cungjgez gingniemh lizsij, daezok caemhcaiq lwnhgangj le gij fuengfap doicaenh Dangj raeuz cauhoq lijn hab gohyoz cixdwg “song aen giet-hab”、“roek aen bietdingh aeu seizseiz

guh” daengj, cau’ ok le gij goekgaen laebdaeb doicaenh Dangj raeuz cauhoq lijn aeu ciuqei de, raeuz yae dawz ndei, yungh ndei.

Faenzcieng vanzlij vixok, yae seizseiz souj maenh gij lingzhoenz caeuq goekgaen cauhoq lijn, yae gejdap goqdaez moq seizdaih ndaej dad seiz hab gohyoz, yae roengzrengz doicaenh gij lijn cauhoq Dangj raeuz baenz dijhi hab yozsuz, yae yawjnaek daj gyoengq beksingq cauhoq ndawde sou aeu dungxaiz cauhoq lijn.

(youq Yinzminz Yizbau genj aeu mbanj daeuj hoiz)

Liujcough:

Gyoengq Hagseng Gak Cuz Caemh “Gwn Donq” Gohgi Vwnzva Saekhoengz

柳州:各族学生共享红色科技文化“大餐”

10 nyied 15 hauh, Sanhgyangh Duncuz Swciyen Yangzhih Yangh Gauhlu Siujoyz caeuq Yiminz Siujoyz miz 45 boux hagseng caeuq lauxsae maenhndei minzcuz vunznoix baudaengz Duncuz, Myauzcuz, Yauzcuz daengj ndaej cingj daej daengz Liujcough Gohgi’ gvanj, dingq gojgaq gohgi saekhoengz, yawj gij saw gohgi saekhoengz, raen gohgi saekhoengz yinx lai. Ndaw doz dwg gyoengq hagseng de dingq vunz lwnh bonj saw 《Haenh Bouxyinghyungz Gingq Bouxbuengjiengh》.

(Danz Gajjinh/谭凯兴 Liz Cingyez 黎静月 ingi)

Nanzningz Vangsenhboh Segih: “Haj Doxgap” Hawj Gak Minzcuz Laindei Doxcunz Doxrox Doxgyaux

南宁望仙坡社区: “五联工作法”促进各民族交往交流交融

“Segih dou baenz aen segih buengjiengh minzcuz doxgiet baenaj swcigh, baengh ‘haj doxgap’ couhwdg doxgap baenz vangj, doxgap cauhoq, doxgap guhdoi, doxgap banhsaeh, doxgap bangcoengh, hawj gak minzcuz laindei doxcunz doxrox doxgyaux, laebguh aen segih doxgyaux caemh youq, hawj hawsingz engq ndei ciephaeuj gyoengqvunz minzcuz vunznoix, gyoengqvunz minzcuz vunznoix engq ndei yungz-haeuj hawsingz.” 10 nyied 13 hauh banhaet, Nanzningz Si Hinghningz

Gih Minzswng Gaihdaug Vangsenhboh Segih Dangjvej suhgi Cau Liuzfwnh baenzneix lwnh dou.

Aen segih neix seizneix miz 6348 ranz vunzyouq, miz 1.2 fanh vunz gingciengz youq, miz 3 fanh vunz liuzdoengh, ndawde miz 3000 lai boux vunzyouq minzcuz vunznoix baudaengz Bouxcuengh, Yauzcuz, Myauzcuz, Duncuz, Veizcuz, Veizvuzwjcuz, Dujyahcuz, Manjcuz daengj. Aen segih neix doxgap gaenjmaed guh ndei hong segih caeuq hong minzcuz hawsingz, caemh

guh caemh yungh cix mboujduenh hawj vunz lai seizseiz cungj nyinh Cunghvaz Minzcuz ranz vunz ndeu. Hongsaeh minzcuz hawsingz caeuq guenjieix aenbiengz doxyungz laegluemx cix baenz le gij gingniemh moq, guhfap moq Nanzningz Si guh hong minzcuz hawsingz.

“Gyoengq dou youq ndaw segih neix, baenz beixnuengx ndei, ndaej coengh couh coengh, boux liz mbouj ndaej boux dahraix.” Boux vunzyouq Bouxgun Yangz Dez naeuz. Boux dangjyenz, gunghcwnzsw hawj gaep

gyausou gaep duiyouh vunz Veizcuz 83 bi ndaw segih neix heuhguh Lij Yuzhuj, gingciengz baengh gij ciennieb cihsiz gag nyienh fugsah vunz lai. De naeuz: “Daengx segih baenz ranz hung ndeu, segih couhwdg aen ranz vunzyouq ndaw neix, gak minzcuz caemh ranz ndeu. Youq aen ranz minzcuz doxgiet huzndei neix, gou raen ndaenggon, vuenyungz lailai.”

(Cinz Vwnzvuj Vuz Hansiz) (youq Gvangsiah Yizbau genj aeu mbanj daeuj hoiz)